



Niam Txiv Hluas Cov Cai

The Rights of Teen Parents

Yog kuv muaj menyuam thaum hluas, puas cia li muab kuv rho tawm ntawm kuv niam thiab txiv?

Tsis yog. Tsis nrho koj tawm vim koj muaj tus menyuam. “Emancipation” txhais tias koj lav tau koj tus kheej rau tej txoj kev koj ua thiab koj niam thiab txiv tsis khoo thiab nrog koj nyob lossis txiav txim siab rau koj lawm. Nws tsis txhais tias koj muaj tagrho cov cai li tus neeg muaj hnub nyoog. Cov cai txog “emanipation” totaub nyuaj. Yog koj nyob hauv Minnesota thiab xav paub ntxiv txog qhov no, hu rau Youth Law Project ntawm Mid-Minnesota Legal Aid (877) 696-6529 los yog email youthlawproject@myleglaid.org.

Saib peb daim ntawv tseeb [Kev Ywj Siab](#).

Muaj tus menyuam puas txhais tias kuv tsiv tawm tau ntawm kuv niam thiab txiv lub tsev?

Tsis tau! Koj tsuas tsiv tawm tau yog koj niam thiab txiv lossis tus muaj cai saib xyuas koj tso cai, muaj 18 xyoo, mus ua thab ham, lossis tsev hais plaub tso cai.

Yog koj **yau dua 18 xyoo** thiab tsiv tawm, tej zaum koj yuav tsis tau txais tau MFIP, tabsis nws muaj tej qho zam tau. Saib peb daim ntawv tseeb [MFIP rau cov Niam Txiv Tsis Tau Muaj 18 Xyoo](#). Tsis tas li ntawd, nrog koj tus neeg ua haujlwm muab nyiaj tham.

Koj muaj txoj cai kom tsis txhob raug ua phem rau/ntaus. Yog koj lossis koj tus mos liab raug ua phem rau lossis raug mob, koj muaj cai tshwj xeeb. Nrog tus kws lij choj tham.

Yog kuv nyob hauv tsev, kuv tus menyuam puas yog kuv niam “tus”?

Txawm yog tias koj yau dua 18 xyoo thiab nyob hauv tsev los koj niam tsis muaj “cai” rau koj tus menyuam. Koj muaj txoj cai los txiav txim siab rau koj tus menyuam lub neej. Koj muaj cai txiav txim siab txhua yam tseem ceeb thiab tus menyuam nrog koj nyob. Yog koj luag haujlwm los saib xyuas tu tus menyuam. Qhov no tsuas hloov tau yog tsev hais plaub tso cai rau tus menyuam mus nrog lwm tus nyob.



Leejtwg txiav txim siab txog kuv tus menyuam lub xeeb?


Yog niam thiab txiv tsis sib yuav thaum yug tus menyuam, ces leej niam yog tus txiav txim siab lub npe hauv daim ntawv yug.

Yog muaj leejtwg ua raug mob rau kuv lossis kuv tus mos liab ne?

- Hu rau tub ceevxwm thiab tus neeg yuav raug foob lub txim ntaus neeg.
- Koj ua tau daim Ntawv Tiv Thaiv (OFP) qhia kom tus neeg ua phem txav deb ntawm koj thiab koj tus mos liab. Koj tsis toobkas tus kws lij choj mus ua daim ntawv OFP. Mus tim koj lub nroog tsev hais plaub lossis hoobkas ua phem rau tsev neeg kom lawv pab. Lossis koj hu rau 2-1-1 thoob xeev los nrhiav lub hoobkas nyob ze koj. Daim ntawv OFP teem tau seb leejtwg tau menyuam thiab kev saib menyuam.

Saib peb daim ntawv tseeb [Ntawv Tiv Thaiv thiab Ntawv Txwv Tsis Pub Thab Los Ze](#).

Nrhiav [ntaub ntawv thiab txuas txog](#) cov ntawv nyob vas sab ntawm www.lawhelpmn.org/forms.



- Nrhiav “Abuse and Harassment”
- Nias rau “Order for Protection Against Domestic Violence”
- Nias rau “Hmong/Hmoob”

Ua ntaub ntawv hauv computer lossis nqa daim ntawv ua tiav mus rau tim tsev hais plaub.

- Zoo yog nrhiav kws lij choj kom pab muab tswv yim. Yog koj yog ib tug menyuam tsis tau muaj 18 xyoo nyob rau hauv Minnesota hu rau Youth Law Project ntawm Mid-Minnesota Legal Aid (877) 696-6529 los yog email youthlawproject@myleglaid.org.

Kuv puas tau kev pab kho mob Medical Assistance (MA)?

Feem ntau, cov pojniam tau nyiaj tsawg tau kev pab MA thaum cev xeeb tub. Yog koj tau MFIP, ces koj cia li tau MA thiab. MA them rau tagnrho cov nqi mus ntsib kws kho mob, kev kho mob xwm ceev, tshuaj thiab yug menyuam. Yog koj tsis muaj feem tau MA, nug txog lwm lub khooskas xws li Children’s Health Plan thiab Minnesota Care.



Yog koj yau dua 18 xyoo, nyob hauv tsev, thiab koj niam thiab txiv tau nyiaj tshaj qhov teem tseg, tej zaum koj tsis tau MA. Yog koj niam thiab txiv muaj isalas kho mob, xyuas seb nws puas them rau koj lossis koj tus mos liab. Nrog koj niam koj txiv qhov chaw isalas kho mob tham thiaj yog tib txoj kev yuav paub seb koj thiab koj tus mos ab puas muaj isalas nrog lawv.

Yog koj tsis yog neeg xam xaj U.S., koj yuav tsum nrhiav kevcai lij choj ntxaws los pab koj. Yog koj yog ib tug menyuam tsis tau muaj 18 xyoo nyob rau hauv Minnesota, hu rau Youth Law Project ntawm Mid-Minnesota Legal Aid (877) 696-6529 los yog email youthlawproject@myleglaid.org. Ntxiv ntawd, saib peb daim ntawv tseeb [Kev Pab Kho Mob Rau Cov Tsis Tau Yog Xam Xaj](#).

Kuv kawm ntawv kom tiav high school puas tau yog tias kuv muaj tus mos liab lawm?

Tau! Coob lub tsev kawm ntawv muaj khooskas rau cov niam txiv hluas. Ib txhia muaj chaw zov menyuam. Hu rau koj lub koog tsev kawm ntawv seb lawv puas muaj khooskas dabtsi pab koj. Tsev kawm ntawv xaiv ntsej xaiv muag tsis tau vim koj cev xeeb tub lossis muaj tus menyuam. Yog koj xav kawm ntawv nrog sawvdaus, lawv yuav tsum kam koj ua li.

Yog tsev kawm ntawv tsis muaj chaw zov menyuam, coj mus rau lub chaw zov menyuam hauv zej zog. Koj thov tau kev pab them zov menyuam thiab.

“Kuaj seb puas yog txiv” txhais tau li cas?

Nws yog ib txoj kevcai los txiav txim siab seb tus menyuam leej txiv yog leejtwg. Muaj 2 txoj kev ua qhov no:

- Leej niam thiab txiv xee daim ntawv lees yog niam thiab txiv hu uas Recognition of Parentage. Lossis,
- Yog leej txiv tsis xee daim ntawv, leej niam lossis leej txiv mam li ua ntawv kuaj seb puas yog txiv hauv tsev hais plaub. Qhov no yog tsev hais plaub tus txheej txheem siv los soj ntsuam seb tus menyuam tsis tau muaj 18 xyoo txiv yog leej twg. Koj lub nroog qhov chaw them nyiaj hli yug menyuam “IV-D” mam li ua daim ntawv kuaj seb puas yog txiv hauv tsev hais plaub yog tsis paub txiv yog leejtwg. Saib peb daim ntawv tseeb [Txiv yog Leejtwg thiab Menyuum Nrog Leejtwg Nyob](#).

Vim li cas kuaj leejtwg yog txiv tseem ceeb?

Thaum paub leej txiv yog leejtwg lawm, tus menyuam muaj cai kom them nyiaj hli yug nws. Thaum leej txiv tas sim neej, tus menyuam txais tau khoom ntiag tug ntawm nws. Yog leej txiv tas sim neej lossis xiam oob qhab, tej zaum tus menyuam muaj cai txais tau nyiaj Social Security. Kuaj txiv yog leejtwg kuj tseem ceeb rau leej txiv. Yog tsis ua, nws tsis muaj cai mus saib lossis hais kom tau tus menyuam nrog nws nyob. Yog ua ntawv kuaj seb puas yog txiv lawm, mus nrog tus kws lij choj tham.



Yog niam thiab txiv tsis sib yuav, leejtwg tau tus menyuam?

Menyuam nrog leejtwg nyob txhais tau tias txiav txim siab rau tus menyuam. “Sole custody” txhais tias tus niam los txiv txias txim siab rau tus menyuam. “Joint custody” txhais tias niam thiab txiv sib koom txiav txim siab rau tus menyuam. Yog hais tias niam thiab txiv tsis tau sib yuav, ces tus niam cia li tau tus menyuam nrog nws tshwj yog hais tias tus kws txiav txim plaub hos txiav lwm yam txawv. Yog qhov teebmeem tus menyuam nrog leej twg nyob mus txog tom tsev hais plaub, tus kws txiav txim plaub mas li txiav txim physical custody (tus menyuam nrog leej twg nyob) thiab legal custody (leej twg yog tus yuav txiav txim rau tus menyuam). Piv txwv, tej zaum tsev hais plaub txiav txim tias tus mos liab nrog niam nyob, tabsis niam thiab txiv sib koom txiav txim siab uake. Tsev hais plaub txiav txim tau txog leejtwg tau menyuam thaum sib nrauj, kuaj leejtwg yog txiv, ua ntawv tiv thaiv (OFP), lossis ntawv sib cais.

Niam txiv sijhawm (saib menyuam) yog dabtsi?

Yog niam tau tus menyuam, niam txiv sijhawm yog leej txiv txoj cai tuaj saib tus menyuam. Tamsim no tsev hais plaub muab sijhawm saib menyuam hu ua “niam txiv sijhawm” lawm. Thaum paub txiv yog leejtwg lawm, leej txiv thov tau tsev hais plaub kom teem niam txiv sijhawm. Tsev hais plaub tsis kam tau, tias kom yuav tsum ua raws tej txoj cai tso, nyob ntawm seb qhov twg yog qhov zoo tshaj rau tus menyuam. Yog leej txiv muaj niam txiv sijhawm, leej niam yuav tsum cia nws xyuas tus menyuam, tsuas yog thaum muaj xwm txheej rau tus menyuam. Niam lossis txiv ua ntawv mus hauv tsev haus plaub kom hloov tau niam txiv qhov sijhawm saib menyuam. Saib peb daim ntawv tseeb [Niam txiv Sijhawm Saib Menyuam thiab Niam txiv Kev Npaj](#).

Txhua leej txiv yuav tsum them nyiaj hli yug menyuam los?

Nyiaj hli yug menyuam yog them los ntawm tus niam txiv uas tus menyuam tsis nrog nyob. Nws them rau tus niam txiv uas tus menyuam nrog nyob. Nws yog them los ntawm leej txiv lossis leej niam. Nyiaj hli yug yog nyob ntawm seb tus niam txiv them taus li cas thiab tus menyuam cov kev toobkas. Yog leej niam txiv yau dhau lawm, tseem kawm ntawv, lossis tsis muaj nyiaj, tsev hais plaub tsis kom nws them. Tabsis tej zaum yuav yuam kom leej niam txiv mus nrhiav haujlwm, kawm haujlwm lossis ua lwm yam los pab them nyiaj hli yug menyuam yav tom ntej.

Kev Pab thiab Ntaub Ntawv

Yog koj yog ib tug niam txiv hluas lossis yuav los ua ib tug niam txiv hluas, thiab xav paub ntxiv txog koj cov cai, tiv tauj:


Youth Law Project

Mid-Minnesota Legal Aid
111 North 5th Street, Suite 100
Minneapolis, MN 55403

Hu: (877) 696-6529 los yog email youthlawproject@myleglaid.org.



Saib peb phau ntawv, “[Cov Cai Lawv Muaj thiab Lub Luag Hauj Lwm ntawm cov Khub Niam Txiv Muaj Menyuam es Tsis Tau Sib Yuav](#).” Koj nrhiav tau online ntawm www.LawHelpMN.org/hm



- Ntaus ntawv “Khub Niam Txiv Muaj Menyuam es Tsis Tau Sib Yuav” rau ntawm lub npauv tshawb
- Nias rau qhov “Cov Cai Lawv Muaj thiab Lub Luag Hauj Lwm ntawm cov Khub Niam Txiv Muaj Menyuam es Tsis Tau Sib Yuav.”

Koj mus muab tau cov ntaub ntawv luam ntawm koj lub hoobkas legal aid.

Cov ntawv Qhia Tseeb yog qhia kom paub txoj kevcai xwb TSIS yog muab txwv yim txog txoj kevcai. Mus ntsib ib tug kws lij choj rau tswv yim. Tsis txhob siv daim ntawv qhia tseeb yog tias nws qub tshaj ib xyos lawm. Nug peb txog cov hloov tshiab, daim ntawv qhia txog cov ntawv qhia tseeb, lossis lwm hom ntawv.

© 2025 Minnesota Legal Services Coalition. Luam tau daim ntawv no los siv rau tus kheej tsis ua lag luam thiab qhia kom paub xwb. Tagnrho lwm cov cai ceev tseg. Qhov lus sau no yuav tsum nyob rau txhua daim ntawv. Txwv tsis pub muab luam, faib, thiab siv ua lag luam.